



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77


N 91/20234.

< 25 > 08 2022թ.

**Մանուկ Հենրիկի Սուքիասյանին
Հասցե՝ ք.Երևան, Ավան, Չարենց թաղամաս, 17 շ., 43բն.**

Ուղարկում եմ ՀՀ ոստիկանության պարեկային ծառայության Երևան քաղաքի գնդի պարեկ Գուրգեն Գալստյանի զեկուցագրի հիման վրա ՀՀ ոստիկանության պարեկային ծառայության վարչական բողոքների քննության բաժանմունքում իրականացված վարչական վարույթի արդյունքում թիվ 8200240550 որոշումը անվավեր ճանաչելու մասին որոշման օրինակը:

Առդիր՝ << 2 >> թերթ:

**Պեպի պարտականությունների ժամանակավոր,
կատարող, ոստիկանության գնդապետ՝**  **Ա. Մաթևոսյան**

Կատ. Գ. Կիրակոսյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 22.07.2022թ. կայացված թիվ 8200240550 որոշումն անվավեր ճանաչելու մասին

25.08.2022թ.

ք.Երևան

ՀՀ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա. Մաթևոսյանս, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածով, վերանայելով 22.07.2022թ. կայացված թիվ 8200240550 որոշումը,

Պ Ա Ր Զ Ե Ց Ի

2022 թվականի օգոստոսի 1-ին ՀՀ ոստիկանության պարեկային ծառայության վարչական բողոքների քննության բաժանմունք է ստացվել ՀՀ ոստիկանության պարեկային ծառայության Երևան քաղաքի գնդի հրամանատար, ոստիկանության մայոր Ա.Խսախանյանի զեկուցագիրը, որ 3-րդ գումարտակի, 2-րդ վաշտի պարեկ, ոստիկանության լեյտենանտ Գուրգեն Գալստյանը սույն թվականի հուլիսի 22-ին ժամը 21:16-ի սահմաններում Երևան քաղաքի Մ.Խուդյակով փողոցում Մանուկ Սուքիասյանի նկատմամբ ՀՀ կառավարության 2007 թվականի հունիսի 28-ի 955-Ն որոշման հավելված 1-ի 57-րդ կետի պահանջները խախտելու համար դյուրակիր համակարգչի միջոցով կազմել է վարչական իրավախախտման վերաբերյալ արձանագրություն՝ <<Վարչական իրավախախտումների վերաբերյալ>> (Այսուհետ՝ ՎԻՎՕ) ՀՀ օրենսգրքի 124-րդ հոդվածի 26-րդ մասի հատկանիշներով և կայացրել թիվ 8200240550 որոշումը՝ քաղաքացի Մանուկ Սուքիասյանին տուգանելով 5000 ՀՀ դրամ:

Այն ինչ Մանուկ Սուքիասյանը խախտել է ՀՀ կառավարության 2007 թվականի հունիսի 28-ի 955-Ն որոշման հավելված 1-ի 84-րդ կետի, 4-րդ ենթակետի պահանջները, այն է՝ տրանսպորտային միջոցը կանգնեցրել է հետիոտնային անցման վրա: Պարեկային ծառայող Գ.Գալստյանը թիվ 8200240550 որոշումը կայացնելուց հետո նկատելով, որ տեխնիկական խնդրի պատճառով արձանագրության և որոշման մեջ խախտված իրավանորմը և պատասխանատվություն նախատեսող նորմը սխալ է նշվել, չեղարկելու հնարավորություն չունենալով դյուրակիր համակարգչի միջոցով, Մանուկ Սուքիասյանի կողմից տրանսպորտային միջոցը հետիոտնային անցման վրա կանգնեցնելու համար կազմել է վարչական իրավախախտման վերաբերյալ արձանագրություն և ՎԻՎՕ-ի 124-րդ հոդվածի 28-րդ մասի հատկանիշներով կայացրել թիվ 8200240554 որոշում՝ Մանուկ Սուքիասյանին տուգանելով 15.000 ՀՀ դրամ և կիրառելով տուգանային միավոր՝ 1 միավոր:

Թիվ 8200240550 և թիվ 8200240554 որոշումների ուսումնասիրությամբ ևս հաստատվել են զեկուցագրում նշված հանգամանքները:

<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

Նույն օրենքի 77-րդ հոդվածի 1-ին մասի <<ա>> կետը սահմանում է, որ 63-րդ հոդվածով սահմանված հիմքերը վարչական ակտի փոփոխման կամ բեկանման հիմքեր են:

<<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի համաձայն՝ վարչական մարմնի ընդունած վարչական ակտի վերաբերյալ բողոքի բացակայության դեպքում այդպիսի ակտ ընդունած վարչական մարմնի վերադաս վարչական մարմինը (պաշտոնատար անձը), վերահսկողության կարգով և իր նախաձեռնությամբ, իրավունք ունի վերանայել ստորադաս վարչական մարմնի ընդունած վարչական ակտը:


Ելնելով վերոգրյալից և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և 67-րդ հոդվածով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 22.07.2022թ. կայացված թիվ 8200240550 որոշումը ճանաչել անվավեր:
2. Որոշման պատճենը երեք աշխատանքային օրվա ընթացքում հանձնել Մանուկ Հենրիկի Սուքիասյանին և ՀՀ ոստիկանության պարեկային ծառայության Երևան քաղաքի գունդ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

Պետի պարտականությունների ժամանակավոր

կատարող, ոստիկանության գնդապետ՝



Ա. Մաթևոսյան